



處州府志

ル 5
1573
11





處州府志卷之十二

處州府知府元和潘紹詒重修

武備志

兵制附驛鋪

戎事

整軍經武備豫不虞古之善教若侈談經濟以修文
偃武為辭或拘牽古制直不知治體耳

國朝康熙四十九年移平陽鎮於處州始轄處金衢
衢設鎮專轄處金擴充營制增設弁兵分防各邑麗
水則專設城守營控制咸宜百餘年來永為定制有
備無患善政孰大乎是志武備

兵制

驛鋪附

處州改衛為協改協為鎮兵制固屢更矣處金總兵駐劄郡城處固金之屏障中左右三營分防各汛極為周密而議強兵者每以處鎮與江南壽州湖南鎮軍兵相提並論是處實雄鎮也近年減兵增餉兵皆實額餉不虛糜舊制新章允宜備載

明處州衛左右中前後五千戶所原額旗軍五千六百名後改四百六十六名內選團操二百名原月糧六斗後加湊一石在運旗軍二百七十三名每軍十設總旗一人總旗十設百戶一人百戶統於千戶千戶統於指揮

處州衛指揮使三人

正三品

指揮同知六人

從三品

署指揮

同知一人指揮僉事一十三人

正四品

按使以下皆世襲凡襲廕及諸軍政報上都指揮使司以達於兵部每歲撫按察其賢否閱五載一廢置之名曰考選軍政常以一人統衛事謂之軍政掌印一人管操一人巡坑一人巡捕一人巡城一人管局一人領運一人後以掌印官輪遣謂之見任管事非此者編諸行伍謂之帶俸差操故有運軍操軍局軍城軍巡軍之目並統於掌印官

幕鎮撫司鎮撫二人

從五品掌印

司吏一人

經歷司經歷

一人從七品知事一人後裁

按鎮撫世襲掌衛之獄事經歷則有流官銓授於吏部得以文法吏事綱紀衛政衛有愆違法得糾正

左千戶所正千戶一人正五品副千戶二人從五品幕鎮撫

一人從六品無印屬百戶所百戶六人正六品試百戶一人

考選掌印以上品秩各所同司吏一人

右千戶所正千戶一人 副千戶二人 幕鎮撫一人

屬百戶所百戶六人 冠帶總旗一人 司吏一

人

前千戶所正千戶一人 副千戶六人 幕鎮撫一人

屬百戶所百戶七人 司吏一人

後千戶所正千戶一人 副千戶四人 署副千戶一

人 幕鎮撫一人 屬百戶所百戶四人 試百戶

一人 司吏一人

按千戶以下並世襲一人掌印一人僉書凡所置管

軍百戶各十人不能皆賢常以一人攝數印並以選

充如衛之制餘皆帶俸凡治軍之政必咨稟於衛衛

有事則下千戶所千戶督百戶百戶督旗軍報成於

衛惟所鎮撫無正管軍百戶缺則以鎮撫蒞其事

麗水縣民兵三百七十名 內防守一百八十名團操

一百九十名

歲徵餉銀壹千肆百零肆兩 教場在枯蒼門外琵琶洲

琵琶洲

青田縣民兵三百名俱守城

歲徵餉銀壹千貳百玖拾陸兩 教場在東門外竹

秀墩

縉雲縣民兵三百名 內防守二百四十名團操六十名

歲徵餉銀壹千叁百陸拾捌兩 教場在縣南門外

東溪

遂昌縣民兵一百一十七名

歲徵餉銀壹千陸百伍兩陸錢 教場在縣東門瑞

山下

龍泉縣民兵四百三十一名 內防守一百六十名團

操二百七十一名

歲徵餉銀壹千玖百伍拾壹兩貳錢 教場在縣東

門外

慶元縣民兵二百六十名 內防守一百三十名鳥銃

一百三十名 鳥銃係土著義勇領習不受直於官

歲徵餉銀柒百貳拾兩 教場在縣雲龍門外溪北

雲和縣民兵一百五十名 內防守七十六名團操七十四名

歲徵餉銀伍百壹拾捌兩伍錢 教場在縣西北一里

宣平縣民兵一百四十七名 內防守一百名團操四十七名

歲徵餉銀伍百壹拾捌兩肆錢 教場在縣東北一里

景甯縣民兵二百名 內防守九十五名團操一百五十二名

歲徵餉銀柒百伍拾陸兩

按團操皆召募各郡縣無賴者分為二總一調蒲岐

三百六十名以防海寇一留郡城三百名以防礦

盜每兵月給銀玖錢師老而坐食民病而驛騷甚

無裨也按雍正舊志不載松陽民兵縣志亦不載前明兵制因無稽攷仍照舊志僅列九縣

青田談洋巡簡司 弓兵三十名

遂昌馬步巡簡司 弓兵二十二名

龍泉慶元巡簡司 弓兵一十五名

軍器庫貯鳥銃一百八十六把 倭刀五百六十把

長鎗一千二百五十把 籐盛六百頂

籐牌三百面

斬馬刀一百三十把

品口銃三十把

平馬環腰刀一百把

雲頭鎗一百把

監令旗一十二面

金鼓旗八面

五方旗三十面

中軍帳一幅

敵臺

一在縉雲縣蒼嶺之巔以遏台寇

一在龍泉縣大澤之隘以遏閩寇

國朝改衛制為營制設副將一員下轄左右兩營左營都司一員守備一員千總二員把總四員右營同馬

步戰守兵共一千二百五十七名左營六百二十九名右營六百二十八名分防各縣千把一員視各要隘派兵之多寡大縣八十名小縣五十名康熙四十八年閩匪彭子英等盤踞松遂龍雲合金衢處兵會勦事平督撫會疏

題請移平陽鎮駐劄處州改協為鎮設總兵一員轄三營中左右遊擊各一員守備各一員千總每營二員把總每營四員馬兵二百八十七名戰兵四百七十九名守兵一千八百六十五名
雍正七年戰守兵八名歸入杭嘉湖三協
召募康熙五十二年

題設麗水城守營添守備一員雍正九年改都司千總一員把

總一員外委千總一員外委把總二員撥處鎮標馬

戰守兵一百四十名平陽協標馬步戰守兵二百九

十五名雍正七年裁戰兵三名守兵一名撥入杭嘉湖召募

教場在南明小教場在東山鋪火藥局在興賢鋪營

房共十三處計七百六十間

總兵官駐劄府城遊擊二員駐府城一員駐龍泉

守備一員駐府城一員防雲和

千總三員駐府城一員防青田一員防龍泉

把總五員駐府城以上俱一年一換

一員防龍泉 一員防雲和 一員防慶元

一員防遂昌 一員防松陽 以上俱一年一換

青田縣汛兵七十一名

八都黃壇汛兵三十三名 六都上岸汛兵五名

九都南田汛兵二十六名 芝溪老鼠梯汛兵五名

縉雲縣汛兵四十三名

馮公嶺汛兵十名 吳城冷水汛兵十名

白竹西溪頭汛兵十名 荆坑汛兵七名

景甯縣汛兵四十八名

北岸汛兵六名 上標汛兵六名

龍泉縣汛兵一百四十二名

西逼五都劉隘界汛兵五十名 武溪汛兵五名

小梅汛兵十六名 住溪汛兵十名

碧巖汛兵十名 北區阜汛兵十五名

東區洪村汛兵二十名 獨源汛兵二十名

東畚汛兵二十名 季岱汛兵十名

道堂嶺汛兵十名 小白岸汛兵五名

楊梅嶺汛兵五名 大白岸汛兵五名

道泰塘汛兵五名 隔河塘大石鋪塘甯

海嶺塘汛兵十五名

雲和縣汛兵一百六十名

雲壇汛兵八名 小順汛兵八名

七赤汛兵十六名 桑嶺根汛兵八名

慶元縣汛兵四十五名

竹口汛兵三十名 安溪汛兵七名

棘蘭汛兵五名 新窰汛兵八名

明箐寨後汛兵六名 余地汛兵四名

遂昌縣汛兵一百八十三名

黃村口汛兵二十名 高坪汛兵二十五名

龍鼻汛兵十名 北界汛兵二十名

蔡源汛兵十名 關塘汛兵十名

大柘汛兵十名

石練對正汛兵十名

松陽縣汛兵四十名

裕溪汛兵十名

官埠汛兵六名

石倉汛兵十名

平田汛兵五名

白巖隘寒石嶺汛兵十五名

宣平縣汛兵三十三名

祝客汛兵九名

河頭汛兵九名

陶村汛兵五名

和尚田汛兵七名

玉巖山汛兵七名

麗水城守營

都司駐城內

把總駐城內

外委千總一員

外委把總

二員駐城內

千總一員永防碧湖

外委把總一員輪防碧湖

庫頭汛兵三十名

阜坑汛兵二十名

下河關口址兵十名

菱青口址并塘兵七名

楊店塘兵二名

金村塘兵二名

黑橋塘兵二名

馬王廟塘兵二名

銀場塘兵二名

卻金館塘兵二名

碧湖沙溪汛兵十五名

十八都汛兵三十名

蓬蒿嶺汛兵二十名

箬溪口址兵十名

楊山口址兵十名

石牛口址并塘兵七名

寶定口址并塘兵七名 九龍塘兵二名

碧湖塘兵二名 玉溪塘兵二名

均溪塘兵二名 雍正舊志

大清會典載鎮守平陽總兵官一員駐劄平陽縣標下

中左右三營管轄瑞安營中營遊擊一員守備一員

千總二員把總四員左營遊擊一員守備一員千總

二員把總四員右營遊擊一員守備一員千總二員

把總四員 康熙八年設鎮守平陽總兵官四十九年閩浙督臣梁鼐奏准以平陽一鎮移駐

處州改為處州總兵官兼轄金衢二協其瑞安營副將於雍正二年閩浙督臣覺羅滿保題准改為水師營歸温州鎮管轄

鎮標經制兵共四千三十名內馬兵四百

三名步兵三千六百二十七名 標下麗水營康熙五十二年閩浙督臣

范時崇題設其官員兵丁詳見前府縣志金華城守營其額設官員兵丁詳見金華府志衢州城守營舊隸處州鎮雍正十三年題准改隸衢州鎮中營分管青縉景三縣汛左營分龍慶三縣汛右營分管遂松宣三縣汛其餘分防並詳府縣志康熙四十九年八月內平陽移帶兵丁一千五百一十五名又處協收回兵丁一千一百一十六名共馬步戰守兵丁二千六百三十一名五十二年撥給麗水營一百四十名雍正七年為遵

旨議覆事裁充撥守兵八名 處州鎮標中左右三營現設遊擊三員守備三員千總

六員把總一十一員外委千總六員外委把總一十

二員 俱於雍正五年添設 三營馬步戰守兵丁現在額設共二

千四百八十三名 雍正十三年衢協改鎮添兵本標裁溢額馬二十九匹改步戰兵二

十九 現在行營砲三十五位劈山砲一十九位百子

砲五十九位俱存 康熙四十九年兵部議覆閩浙總

督梁鼐疏稱浙江處州一府管轄十縣除附郭外其

餘各邑歷來未有城郭皆在深山之中險要之處甚

多該地設一副將其額兵共止一千一百一十六名

以之分防十縣併各處塘汛每覺稽察難周莫若將

平陽一鎮移駐處州卽以處州副將移駐平陽彼此

實屬相當查平陽鎮標額兵共二千九百九十五名

今該總兵移駐處州除處協現在兵一千一百一十

六名外該總兵再帶兵一千五百一十五名共足二

千六百三十一名之數其遊守等官俱帶往照舊管

轄所有金華衢州二副將俱歸處州總兵統轄其平

陽所存兵一千四百八十名卽將處州副將移駐管

轄改爲平陽協處轄原官帶往該協營聽温州總兵

統轄如此一轉移間地方兵制各適其宜巡防周密

裨益似非纖少等因應如該督所請更調可也

奉

旨依議

康熙五十二年兵部議覆閩浙總督范時崇疏稱處

州一郡兵單汎廣稽察難周前督臣梁鼐題請將平

陽一鎮移駐處州卽以處州副將移駐平陽是以原
防守蒲壯鎮下守千把三員兵二百九十五名久經
歸入平陽標額內改協設鎮之時原應一併移調處
州以符經制而原題疏內有該總兵再帶兵一千五
百一十五名遊守等官俱帶往之語是以言來處郡
兵在平陽茲查平陽一縣前設兵一千四百八十名
今將蒲壯鎮下原管兵丁二百九十五名撥歸處州
尙存兵一千一百八十五名足可分防而設防麗水
碧湖守千把三員前經本標三營分撥兵一百四十
名今將蒲壯鎮下原管兵丁二百九十五名撥歸處

州共合四百二十五名設爲麗水專營分防碧湖要
汛而兵得實用營制得定并請鑄給關防以專責任
等因查康熙四十九年經原任閩浙總督梁鼎奏請
將平陽一鎮移駐處州處州副將移駐平陽除處協
現在兵一千一百一十六名外該總兵再帶兵一千
五百一十五名共足二千六百三十一名之數其遊
守等官俱帶往照舊管轄平陽所存兵一千四百八
十名卽將處州副將移駐原官俱帶往照舊管轄等
因奉

旨依議欽遵在案今該督旣稱平陽鎮兵丁定額二千九百

九十五名今改處鎮止有兵二千六百三十一名尙缺額兵三百六十四名處州城守兵丁原額一千一百一十六名今調平陽副將現有兵一千四百八十八名是重地設立總兵兵又減於原額緩地改設副將兵復溢於曩時大非改協設鎮之初心今將蒲壯鎮下原管兵丁二百九十五名撥歸處州麗水碧湖守千把三員本標三營分撥兵丁一百四十名共合兵四百三十五名設為麗水專營分防碧湖要汛兵得實用營制得定等語應如該督所請可也奉

旨依議

雍正八年八月初十日奉

旨

處州鎮標兵丁著賞銀九千兩令該鎮會同該督撫提督料理營運以備賞給之用歲底將一年生息及用過若干報明該督撫提督查核該部知道

通志 按康熙四十九年

設鎮以後營制並無變更同治八年大府奏准減兵增餉兵餉額畧有增減茲准本鎮中營冊列各條備細臚列於後俾得攷古證今

總兵官駐處州府城轄中左右三營遊擊三員守備三員千總四員把總十二員馬步戰守兵丁一千七十七名內外委十七名額外九名於同治八年變通營制案內奉文減定

中營存郡

遊擊一員

守備一員

千總一員

把總一員

外委把總二員 即馬兵名糧

額外三員 即馬兵名糧

馬兵十名 額外在內 戰兵一百四名 守兵一

百四十一名

分防青田縣汛

把總一員

戰兵十二名 守兵二十八名

協防大垵汛

外委千總一員 即馬兵名糧

戰兵三名 守兵九名

分防縉雲縣汛

把總一員

戰兵七名 守兵十五名

協防壺沉汛

外委把總一員 即馬兵名糧

戰兵二名 守兵六名

分防景甯縣汛

把總一員

外委把總一員 即馬兵名糧

戰兵六名 守兵十四名

左營存郡

千總一員

把總一員

外委把總二員 即馬兵名糧

額外二員 即馬兵名糧

馬兵九名 外額在內 戰兵七十四名 守兵七

十三名

分防龍泉縣汛

遊擊一員

千總一員

外委千總一員 即馬兵名糧

馬兵一名 戰兵三十名 守兵七十二名

協防五都洋汛

把總一員

外委把總一員 即馬兵名糧

戰兵六名 守兵十四名

分防雲和縣汛

守備一員

把總一員

外委千總一員 即馬兵名糧

戰兵十二名 守兵三十二名

協防七赤汛

額外一員 即馬兵名糧

戰兵二名 守兵二名

分防慶元縣汛

把總一員

外委把總一員 即馬兵名糧

戰兵七名 守兵十三名

右營存郡

遊擊一員

千總一員

外委把總二員 即馬兵名糧

額外二員 即馬兵名糧

戰兵九十八名 守兵二

馬兵十名 外額在內

分防遂昌縣汛

守備一員

把總一員

外委千總一員 即馬兵名糧

戰兵十四名 守兵三十九名

協防王村口汛

外委把總一員 即馬兵名糧

戰兵三名 守兵七名

協防北界汛

額外一員 即馬兵名糧

戰兵一名 守兵六名

分防松陽縣汛

把總一員

戰兵七名 守兵二十名

協防舊市汛

外委千總一員 即馬兵名糧

戰兵三名 守兵九名

分防宣平縣汛

把總一員

外委把總一員 即馬兵名糧

戰兵七名 守兵十八名

以上三營郡汎奉文減存實存馬戰守兵丁一千七十名各官自備坐馬七十八匹外額馬兵騎操

馬三十四

三營馬步戰守兵丁馬匹增餉各銀米數

馬兵三十名

每名日給銀一錢米一升

戰兵四百名

每名日給銀八分三釐米一升

守兵六百四十名

每名日給銀五分米一升八釐

兵丁官給馬三十四

每四日給草乾銀五分

軍裝器械

係同治三年全浙肅清後陸續置備

大隊旗十七面

什長旗八十五面

得勝旗四面

督陣旗十七面

大令旗一面

將臺令旗九面

遊兵旗二面

小令旗九面

大涼棚一座

門纛旗二面

銅號三對

銅鑼三面

戰鼓三面

大鼓一面

噴呐一對

先鋒旗十面

劈山砲五位

擡砲四十五桿

號帽一千四十四頂

號褂一千四十四件

鳥鎗四百八十一桿

籐牌七十面

牌刀六十四把

片刀六十四把

腰刀六十四把

長矛四十八把

毛藍布單號袍五百三件

藍白單帳房四十一頂

皮葫蘆六十四個

九龍袋六十四個

砲藥角六個

線鎗八十四桿

硬弓三十四張

馬弓九張

弓插袋六十四副

雙鏑一對

兩頭鏑三把

連夾棍三副

掃子棍三副

鋼叉十八把

鈎鏢鎗三把

單刀三把

大刀三把

雙鎚一對

雙刀三把

斬馬刀一把

馬上鎗三桿

雲梯一座

雲梯旗十五面

麒麟檔一副

營門四對

飛虎檔一面

皮大鎚一個

皮磚一塊

備存緩急需用火藥一千五百觔

年例火藥二千六百二十觔十四兩

麗水城守營康熙五十二年設原額備弁七員馬戰守

兵丁四百三十五名節次奉裁三百四十五名同治

六年減兵增餉案內額定實在馬戰守兵二百七名

有馬戰兵八名無馬戰兵四十七名守兵一百五十

二名軍裝器械火藥定有額例兵丁官給馬八匹與

鎮標營制同麗新志

驛鋪附

處州府

栝蒼驛 在府治西嘉靖三十六年知府高超重建原設

驛丞一員後裁

麗水縣

鋪舍 衝要九鋪府前鋪司兵七名九里巖泉俞嶺劉

山菱青下河金村寶定司兵各五名偏僻八鋪峽嶺

九龍周瑞碧湖玉溪均溪司兵各五名

青田縣

芝田驛 在縣南濱溪洪武初因舊縣尉司改建萬厯

間知縣梅時雨建儀仗庫於其後康熙元年奉裁歸併青田縣典史兼

鋪舍 衝要一十五鋪縣前鋪司兵六名攜仁沙埠司兵各五名戈溪北岸東舉礮石練舉小洋臘溪小渚海口金水司兵各五名臘口苦竹司兵各五名

緝雲縣

丹峯驛 在水南舊名雲塘在三里街元煨遷今址隆

慶三年參議徐雲重建

康熙元年奉裁歸併緝雲縣典史兼攝

鋪舍 衝要七鋪縣前鋪司兵六名東渡荆坑隘頭黃龍龜溪黃碧司兵各五名偏僻五鋪仙巖深渡胡陳馬面冷水司兵各四名

松陽縣

鋪舍 衝要七鋪縣前青蒙宏口石馬淨居鄭店堰後司兵各五名偏僻四鋪五里城頭赤溪陳寮司兵各三名

遂昌縣

鋪舍 偏僻三鋪縣前鋪司兵三名杭頭咨口司兵各三名

龍泉縣

雲水驛 在縣北綠漪坊即今靈順廟基

梧桐驛 在縣東十五里

荆言驛 在縣東觀光門外左偏今裁

大石驛 在縣東二十二都今裁

鋪舍 衝要一十六鋪縣前臨江白雁楊梅珠均大石

武溪井水豫章獨田青坑藤灘下保大梅獨山蛤湖

司兵各五名

慶元縣 鋪舍 偏僻七鋪縣前金村菊花黃荆司兵各三名梓

亭大澤風樹司兵各三名

雲和縣

鋪舍 衝要七鋪縣前雲礮小順石塘撫下臨海七赤

司兵各五名偏僻一鋪赤石司兵三名

宣平縣

鋪舍 偏僻七鋪縣前鋪司兵四名竹峪司兵二名通

仙杉坑曳坑橫溪槁嶺司兵各三名

景甯縣

鋪舍 偏僻三鋪縣前鋪司兵三名北岸中巒司兵各

二名

處州府驛站銀捌百伍拾伍兩伍錢貳分伍釐加閏銀

玖拾壹兩肆錢肆釐捌毫叁絲叁忽養膳應差夫一

百三十八名

雍正十三年鹽驛道冊開

麗水縣均平絳夫六十一名共工食銀二百玖拾玖
 兩肆錢五分捌釐遇閏加銀叁拾陸兩陸錢陸分陸
 釐伍毫叁
 絲叁忽
 緡雲縣均平絳夫四十二名共工食銀貳百玖拾陸
 兩陸錢叁分柒釐遇閏加銀貳拾伍兩貳錢
 枯蒼驛水夫一十四名共工食銀壹百兩遇閏加銀
 壹拾壹兩柒錢陸分捌釐緡雲徵給運夫七名共
 工食銀伍拾壹兩遇閏加銀陸兩貳錢叁分麗水縣徵給
 驛阜二名工食銀捌兩肆錢叁分麗水縣徵給丹
 峯驛水夫一十四名共工食銀壹百兩遇閏加銀壹
 拾壹兩柒錢陸分捌釐叁毫內青田縣徵給銀伍拾
 兩加閏銀伍兩捌錢捌分肆釐貳毫松陽縣徵給
 銀伍拾兩加閏銀伍兩捌錢捌分肆釐壹毫
 按各驛鋪舍縣志開載未能一律茲按通志並考縣
 志登載

戎事

咸豐初年盜弄潢池維時民不知兵兵不知戰長江
 失險皖南江右豕突狼奔饒廣悍賊遂從間道竄括
 全浙無恙括民先罹其災嗣後賊蹤屢至全省淪胥
 掃滌塵氛全資勇力流離稍復亦可哀已舊志大事
 載唐宋以來兵戎始末茲將各邑新志所載粵匪騷
 擾情形並採訪所及備著於篇

唐寶應元年八月台州賊袁晁等攻陷浙東諸州

晁改元寶勝民疲於賦歛者多歸之李光弼遣部將
 張伯儀破之於衢州袁晁伏誅

按袁晁於乾元末擾
 括寶應元年陷諸州

中和元年遂昌賊盧約攻陷處州據城以叛刺史施史

君禽約誅之

約乘黃巢亂攻劫青田等縣命姪佶陷處州卽留守之及吳越王錢鏐遣兵取温州捕逮佶至臘口而卒約來據州爲刺史自鎮一方多所建置刺史施史君率兵屯寨收集義勇計擒誅之

宋宣和三年方臘陷處州寇松陽尋攻青田燒燬縣治廬舍殆盡童貫合兵擊之韓世忠禽臘誅之餘黨悉平

時童貫等合兵擊臘於幫源洞臘眾尙二十萬與官軍力戰而敗深據巖屋爲三窟諸將莫知所入王淵

裨將韓世忠潛行溪谷間問野婦得徑卽挺身仗戈直前擣其穴臘就禽餘黨悉平

夏青溪賊首洪載據松陽縣丞梅溶死之

時賊肆行劫掠郡縣嚮應據松陽溶率眾戰死有鄉民葉溇葉天麟父子鳩兵邀擊出境遂賴以安

元至正十三年吳成七作亂寇青田縣境義勇徐伯龍季珍戰死處州路總制孫炎胡深等率義勇葉良器勦平之

成七攻掠青田義勇徐伯龍糾集義兵大戰援兵不至死於賊山民乘機煽禍剽掠燒燬縣治及官民廬

舍里人季珍率眾禦於縣西船寮力戰斬首三十餘級亦以援兵不至死處州路總制孫炎胡深以義勇葉良器領兵勦之始平

至正十五年流賊陷龍泉達魯花赤台寶忽丁避去鄉人王毅集民兵敗賊台寶忽丁歸殺毅

時賊陷縣治臺寶忽丁遯去觀望賊敗復還部使者賞毅功不受乞更賢令以撫傷殘既部使者下令正臺寶忽丁罪竟集季溪惡少拒命誘毅殺之毅故儒者能禦敵全境以功見忌卒殞其身

夏山寇黃花自閩來燒燬慶元剽掠而去

時賊奄忽至境內外無備有司倉卒集兵不能合賊大肆劫殺剽掠財物男女無算縣治燒燬無存

十六年斬黃妖賊犯龍泉執邑人章溢溢乘間脫歸集里人兵擊卻之

先是賊執溢弟溢奔救弟并執溢賊喜問計溢正色拒之曰若等皆有父母妻子顧爲此滅族事耶賊怒擊之以刀磨其脅曰不降且死溢曰貪生惡死人情皆然吾終不爲不義屈賊怒甚曰汝誠不畏死耶曰死卽死何畏乎賊壯之不敢加害後給守者得脫歸集兵擊賊遁去處州判官以兵來龍泉欲盡誅平民

慶州府志 卷之十二
註誤者時石抹宜孫總兵政溢走麾下說曰將軍知賊之由乎曰不知也溢曰貧民逼於凍餓故相率從盜誠得一循吏招輯之即平民爾今不出此而肆行剪屠是揚湯止沸也宜孫曰善即檄判官無擅殺留溢幕下與議軍事由是慶元浦城松溪諸縣羣盜悉平賊首鄭甲攻麗水葉琛章溢胡深合討之賊大敗降時三人統兵浮雲鄉賊爲內外二砦我軍至踰外砦立壁或疑壁兩砦間非利章溢曰我軍踰外砦則內砦疑其已降外砦亦計其疑已二砦相疑破賊必矣壁未完賊突至章麾奇兵張左右翼夾擊之賊敗

北即移兵圍內砦數重下令急攻遂下之直擣巢穴執鄭甲外砦亦降

十七年五月縉雲松陽遂昌麗水青田無賴各嘯聚爲盜石抹宜孫胡深討平之

縉雲黃村松陽白巖村遂昌大社村麗水浮雲泉溪村各羣聚劫掠勢甚猖獗以石抹宜孫爲行樞密院判官鎮處州既至置胡深行軍都事深攻泉溪拔其寨浮雲亦敗白巖賊懼遂降黃村賊亦遁去深移師攻大社賊首周天覺方友元率其精銳迎戰深分部接戰奇兵夾擊之別遣遊擊入山搜其伏匿賊大敗

斬首數十級生擒八百人獲方友元梟其首周天覺降乘勝移兵討青田賊黨金德安殺潘惟賢兄弟以降

秋七月寇犯龍泉胡深集鄉兵拒守湖山尋撫降之山民乘流賊之亂羣聚爲盜由浦城松溪直入龍泉胡深檄屬縣募壯士屯竹口因下令賊中曰爾等因驅迫爲亂棄仗卽良民賊知胡深長者其言可信盡毀兵仗以降

十九年夏四月明太祖命樞密院判耿再成叅軍胡大海率兵取處州進薄城下石抹宜孫敗死

十一月再成大海進取處州再成屯兵於縉雲黃龍山黃龍四面陡絕再成樹柵其上敵兵來成擣敗之元守將石抹宜孫遣元帥葉琛屯桃花嶺叅謀林彬祖屯葛渡鎮撫陳仲真等屯樊嶺元帥胡深守龍泉以拒明師久之將士怠弛無鬪志胡深知天命有在間道來降且言處州兵弱易取再成大海等聞之大喜卽出軍抵樊嶺合攻之大敗其衆連拔桃花葛渡二寨遂薄城下宜孫戰敗棄城走建甯七邑皆下命再成統兵鎮之未幾宜孫收士卒欲復處州攻慶元再成擊敗之宜孫戰死

二十二年苗將李佑之賀仁德等據城以叛李文忠耿天璧集諸軍擊敗之佑之仁德伏誅

佑之仁德等據處州殺院判耿再成總制孫炎李文忠調兵屯縉雲以圖之會再成子天璧方奉命往處起發苗軍中途聞變馳至李文忠所得再成舊部千戶朱詢等遂集合部將士會同邵平章張院判兵往討賊遇賀仁德拒戰於劉山擊之大敗諸軍進圍處城尋攻入李賀俱就禽以死

明洪武元年浙東苗軍變殺金華守將尋據處州遣胡深勦除之

佑之仁德既誅苗軍逃遁者復嘯聚劫掠州縣金華守將迎戰敗死乘勝復據處州以胡深習處要害詔統兵勦服深以勁兵圍城攻入擒其酋黨悉誅之

十四年處溫衢三府山寇吳達三葉丁香等連結作亂命延安侯唐勝宗都督僉事張德討平之

青田縣八都民吳達三與平陽葉丁香等誘脅偽黨嘯聚劫掠寇青田縣治燒燬官民廬舍殺人無算唐勝宗張德統兵攻擊獲酋首誅之餘黨悉平

永樂二十二年五月麗水政和賊周叔光王均亮等往來劫掠

光亮等聚二千餘人往來劫掠漸致滋蔓上命兵部尚書李慶等議慶等奏請沿海備倭都指揮張翥率兵捕之時文淵閣大學士楊榮金幼孜共進言曰此愚民無知或爲有司所苦或窮於衣食不得已逃竄山林求活朝夕耳若寬而撫之當各散矣急之不惟未易獲且堅其爲盜之心况兵戈所加不免枉及良善願更思處置之宜上曰卿言良是可令巡撫御史及浙江福建三司招撫之如再不服調軍勦之

龍游柯山賊亂劫掠郡縣勢逼松陽士女逃奔鎮撫陳滋帥官兵勦之

時賊勢猖獗東南震動所過遭其殺戮剽掠至松陽縣人民皆逃匿縣治幾爲所據陳滋統所部兵出擊繼官兵四至合力併戰賊潰敗遂勦平焉

正統十三年冬十月宣慈人葉宗留等嘯聚爲亂詔御史李俊討之

宗留宣慈鄉人嘗爲鑛徒後充府隸府官遠行輒用之以自衛積久玩肆多不法恐見收捕率衆爲亂推陳鑑胡爲主陶得二爲輔以殘很立威相傳有二飛劍能殺人人益惑之先是閩寇鄧茂七謀叛陶得二楊希八等效尤聚衆十月夜劫武義縣告申臬司委

處州府志 卷之十二
衛縣官率軍快往捕賊衆數百拒敵官兵失利時監
守銀冶御史李俊奏聞尋命俊調兵勦滅俊命台州
衛指揮韓貴府同知黃聰率官兵進屯周坦地方
冬十二月寇掠遂昌官兵擊斬之餘皆遁走

遂昌報有強賊萬餘豎旗僞稱王號乃宣寇陳鑑胡
朱閻八齊焯先在寶峰坑盜採銀鑛後肆劫掠沿至
遂昌李俊命葉鉅詣松陽督典史杜英社首毛孔機
等迎戰大敗斬齊焯等首級千餘鑑胡遁還宣鄉
十四年春正月賊敗官兵叅議耿定僉事王晟死之尋
攻郡城御史李俊知府張佑令義勇出戰敗之

處州衛指揮使三人正三品指揮同知六人從三品署指揮

同知一人指揮僉事一十三人正四品

按使以下皆世襲凡襲廕及諸軍政報上都指揮使
司以達於兵部每歲撫按察其賢否閱五載一廢置
之名曰考選軍政常以一人統衛事謂之軍政掌印
一人管操一人巡坑一人巡捕一人巡城一人管局
一人領運一人後以掌印官輪遣謂之見任管事非此者編
諸行伍謂之帶俸差操故有運軍操軍局軍城軍巡
軍之目並統於掌印官

幕鎮撫司鎮撫二人從五品司吏一人 經歷司經歷

一人從七品知事一人後

按鎮撫世襲掌衛之獄事經歷則有流官銓授於吏部得以文法吏事綱紀衛政衛有愆違法得糾正

左千戶所正千戶一人正五品副千戶二人從五品幕鎮撫

一人從六品屬百戶所百戶六人正六品試百戶一人

無印考選掌印以上品秩各所同司吏一人

右千戶所正千戶一人副千戶二人幕鎮撫一人

屬百戶所百戶六人冠帶總旗一人司吏一

人

前千戶所正千戶一人副千戶六人幕鎮撫一人

春正月二十五日得二等數千突出破橋官兵失備殺分守叅議耿定兵備僉事王晟晟子甫六歲聞晟被害亦自投城下死賊攻城急俊佑日夜戒嚴葉鉅冒險越南明門入見俊會民苦缺食俊與佑議發官廩賑之仍出府庫課銀召募有敢出城殺賊一人者賞銀五兩民爭應募得五百餘以鉅領之開通惠門與賊戰於城北後溪賊潰敗次日焚劫西鄉而去夏五月劉四等聚眾劫掠都指揮沈麟戰死葉鉅等大破之

五月初七日四與劉五陳三等數千嘯聚奇山大肆

劫掠麟遇戰於澹灘爲其所殺鉅率鄉兵之勇敢者
得三千人戰於後坑塢生擒劉五等八十六人擊斬
陳三等一百八級獲騾馬無算追至新嶺而還四復
鳩其黨祝子光等仍來奇山會官兵繼至賊望風奔
潰追殺大敗李俊以聞

六月徐浩八等攻郡城官兵擊賊敗走都指揮脫綱力
戰死之

六月二十九日浩八與富隆鳩王孟友等二萬餘衆
復攻郡城分屯六門造呂公車約高三丈廣丈餘其
形如櫃其中有梯匿強壯以軸推至城下期搭椽頭

蟻附而登攻巖泉望京二門李俊選壯丁巡守城堞
無分兩夜計定旬日取市肆盛油籠實以薪草燃擲
賊車火烈車蕪賊出奔城中強弩射之無不中者又
用巨竹叢削翦出鋒芒煮以沸油甚爲堅利名曰龍
銃用之開陣濟以銃砲賊復屯教場因出民快八十
分爲三道合擊之斬富隆等千餘生擒章三徐四等
五百人餘敗走會都指揮脫綱元丞相脫脫之後所
部皆北軍精弓矢屢戰屢勝賊不能當遂易視之直
追至破橋賊乘間猝至不甲而戰矢盡技窮賊奮鎗
夾攻軍敗止餘一騎脫猶死戰不挫葉宗留曰是何

此人難殺之甚陳鑑胡在山上應曰殺人先殺馬馬
仆人將焉往宗留用其說脫遂遇害臥尸道旁見者
無不墮淚

秋七月東巖寇放火男女死以萬計

東巖四面陡絕惟一徑可通非扳蘿捫石莫至其頂
頂上平曠可容萬人宣寇之亂曳嶺蔡恭十爲首率
眾避於巖頂賊首舒景隆等攻城失利復轉圍巖不
能上守路口以困之凡十餘日水盡放火男女皆飛
墮巖下積尸成邱

兵部尚書孫原貞諭降諸賊擒賊首陳鑑胡葉宗留解

京伏誅

賊因攻城戰敗勢甚窮蹙原貞許賊自新者免死立
功者賞官於是賊自殺賊定盟出降誘至鑑胡宗留
械送京師議將免死會脫都司子疏雪父冤鑑胡伏
誅宗留歷功北邊賞以武職逃歸亦伏誅

賊龍岡九襲據慶元官討平之

九乘宣寇之亂率眾數百懸鏡爲甲襲據縣治縱火
沿燒署舍後投陶得二等不納歸爲官兵所蹙遂平
青田縣亡賴聚眾劫掠兵部尚書孫原貞都御史陳詔
討平之

青田柔遠鄉亡賴聚兵攻劫事聞命原貞勦平復命詔招撫餘寇散各縣者詔青田人習知要害乃屯丁壯據險以守大溪屯金水小溪屯白巖水陸有備賊不敢犯又遣耆老葉子雲李存餘遍至賊巢諭以禍福眾皆感悟遂平民避難甌城者至是皆歸焉冬流賊入龍泉神兵驅殺之

有神兵曰馬靈官鬼面藍色朱髮塑像於東嶽廟縣境有疫癘則迎以禳之賊忽入縣治坐廳事眾莫能禦俄而神現驅賊至濟川橋鄉民闔南北橋門盡誅之

賊陶得二陷遂昌指揮弓禮縣丞張智死之

賊至縣於頭官兵迎戰敗績殺軍快五十餘人禮智俱死賊乘勢陷縣治焚廨舍縱獄囚脅從者至數萬景泰元年二月以都御史張楷討宣寇陶得二等焚其寨以降

閩寇稍平詔楷移師討宣寇楷至衢州分巡僉事陶成迎之泣陳其事楷分兵水陸並進過蘭谿御史黃英林廷舉偕來會請速進兵楷至金華令軍中制竹笆三百六十面糊以紙畫以獸形可以禦鎗乃兼程至處界駐兵賊遣人伴求撫覘之楷給以榜示去官

兵屯於平地分爲三陣賊衆萬人出山索戰直攻中軍楷令馬軍射之死者三百餘人左右夾擊死者又二百人持鎗者鎗入竹笆急不得出生擒者又百餘人得二等引衆去千戶沈俊云部下多麗水鮑村人父兄弟陷賊中者衆令何受等三人於陣中見其親族可往招撫之楷令賚榜入山反覆譬曉以其家百口與誓得二出見楷優加賞賚令歸山中同葉希八楊希勉等十餘人來見楷納其降給帖令復業明日何受等三人又招賊首余海四陳川十余卞等百餘人來降亦令復業疏其事於朝得二等復懷疑懼

擁衆如故以書招楷入楷復書諭之賊在慶元大社者又出掠麗青等縣未幾復得璽書諭楷等撫處已降宜廣布恩信戒官吏毋相擾激不聽撫者調兵剿滅楷復遣府縣雜貳賚諭入山再招之得二等始聽招盡焚其寨出降餘黨聞風散去所司隨在撫諭之前後聽招復者九千餘家男女二萬餘人楷等乃班師回

浮雲賊王景叅復叛尋討平

浮雲鄉賊首王景叅屢蒙赦宥不加誅戮二月復叛與得二陰謀共劫西鄉連結一處未就事覺復劫浮

雲會知府張佑往龍泉守隘中途遇賊不得進飛報
監兵少監院隨總兵都督陶瑾調兵八千往援至桑
坑口遇賊戰合三日賊大敗大兵亦至駐劄規溪越
十日移營航頭分兵三道擣其巢穴生擒首從八百
餘人斬首五千六百七十級景叅自縊傳首京師
賊陶得二復寇武義縣僉事陶成戰死尋寇永康官兵
克之戮賊首朱必森陳允才等伏誅

得二已降復叛率衆攻武義縣縣無城惟樹木柵爲
防守賊大至或勸成少卻以避其鋒成不可麾兵與
戰賊潛入縣爲內應俄縣中火起兵遂大潰成策馬
突戰死之賊攻劫永康軍營必森被戮餘黨敗走旋
復宣鄉警報阮孫二總兵卽議出師且榜示逆順以
故青田賊首沈風麗水渠魁徐浩八王志誠葉懷濟
王孟紹等數千悉來首伏誓死立功贖罪得二聞之
深懼且曰我之罪惡深重雖降必無生理姑往破橋
堅棲自守度無道死言訖淚下散去後其從者往往
面縛詣軍門降官兵及降寇置壘官橋白橋祝村總
兵扎營猛湖分爲三道抵青灣入破橋王孟紹當先
勇戰賊敗退守柵門諸義勇越山衝擊其後死者相
枕焚其巢穴惟陶得二祝岳二深遯東渠山中餘賊

據險東巖巖峻不可奪乃絕其要路各營聞勝方進
兵為攻守凡十八日巖破擒賊首陳允才舒景福陳
惟敬等悉解京師伏誅脅從數千皆得原宥
宣慈寇平奏捷班師

陶得二祝岳二自破橋殺敗亡匿東渠山不出既而
諸寨悉平總戎下令各營選軍快萬人窮山搜捕得
二懼夜往南湖營欲見楊方伯途遇兵快縛送金華
監軍李太監處轉解京師惟岳二等數百散亡未獲
五月命有司招撫遂奏捷班師義勇悉放歸田里處
郡始甯

三年初奏立雲和宣平景甯三縣
守臣孫原貞以宣寇之亂由各鄉去縣僻遠難治請
析麗水之浮雲鄉置雲和縣宣慈鄉置宣平縣青田
之柔遠鄉置景甯縣詔從之

五年青田林叔光吳金八等為盜劫掠官兵攻之
時賊首自諸路來掠青田縣丞王俊主簿樊旭典史
楊殖宗等率兵分屯黃壇等處邀擊擒殺賊首并黨
與百餘人傷者無算獲其牛羊財物器械餘皆去福
建不敢復至其境

十二月宣平逋寇祝岳二復叛謀攻縣治孫原貞勦之

岳二等散亡未獲既班師且下令招撫月餘始出猶懷二心不納兵仗日以採坑爲由聚衆擄掠官府莫能制時原貞方鎮福建會來討官臺山強賊鄭懷冒等至泰順詢岳二復叛之由知其必將復熾適奉命仍鎮浙遂抵郡城與阮隨會議擒捕二十八日果來謀攻縣治以復私仇鄉民吳則探知之飛報府衛尋調兵快次日徑抵宣平扎營三處賊遙見大兵壓境驚駭遂走入山明年正月初四日選民快三千人往討斬首一百二十六級生擒岳二等一十六人送孫沅處審實下獄守者懈於防守致反獄出會民快械

送餘黨因盡獲殺之其地悉平

宏治三年流賊將寇龍泉以有備弗克入

時賊將至先一日兵備副使林玘按邑遣監坑縣丞楊萬齡督鄉兵要截來路選募勇爲先鋒衝擊弩箭鎗銃相夾而前賊中弩死者甚衆鎗箭所至無不披靡遂不敢犯皆遁去

嘉靖二十四年慶元賊吳主姑嘯聚千餘人剽掠縣民騷動知縣陳澤引兵邀擊於蓬塘殲其衆平之賊自號八先出入閩越劫掠松浦間得勝長驅景慶龍遂之墟悉爲震駭知縣陳澤引兵擊殺先鋒吳元

備鼓勇先驅獨斬數人以大兵後至遇害繼衆至併前賊衆悉爲所斃後論殺賊功立祠祀元備扁曰義勇

三十四年夏四月倭寇突入青田境官兵敗績百戶張澄死之

時倭夷數百至一都小峙殺烟居阮斯恩渡至沙埠殺居民李德陳添葉良在等并殺其衝鋒鄉兵楊叙沿燒朱子謙郭浩彥李魁等房屋旣又復入小峙殺領兵百戶張澄民兵溺死者二千人至沙埠殺隊長劉宗遂破仙居官兵交鋒卽敗走或望風奔潰無當

之者

三十六年五月倭寇逼縉雲都御史阮鶚率兵扼之先是倭寇數千自台州登岸破黃巖劫仙居漸逼縉雲界警報日急鶚親領大兵萬餘築將臺屯於蒼嶺之南田以遏其鋒寇遂四散不敢入境

三十七年夏四月倭夷自永嘉倏至青田圍城燒燬劫掠旬日而去

時倭據東門外儒學及民居爲窠分劫各都燒燬民居五千餘間殺死男女老幼三千餘口擄男女千餘劫財物不可勝計晝夜攻打東北二門戰死烟居留

處州府志 卷之十二
大琳等一十四人守城民兵杜定等射殺倭寇一十餘首民壯葉仁錫等偷營燒破賊巢始退去賊小舟泊城下百餘巨舟往高江十有二皆滿載歸青田自此困極矣

右叅議曹金分守處州晝夜戒嚴凡四日乃已賊攻青田分守叅議曹金自青田趨保府城下令城中籍其少壯編立什伍親坐南明門調遣各門護守每城堞一人每十堞一長每三十堞以一生員管束各堞俱張燈擊柝又每門各用遊兵執旗振金巡邏不輟聞賊攻青田城多用烏銃悉取民間棉被張圍

六門賊知備嚴遂不敢進

四十年閩廣流寇三千忽入龍泉大肆擄掠旬日官兵至引去

時忽聞賊報賊隨擁至士女各竄山谷賊搜石馬山獲婦女數人葉華妻季氏不屈死又殺居民百餘人焚北隅吳克雍等房屋數十踐蹂擄掠不可勝計凡六日鄉兵稍集官兵繼至乃散去浦城兵備副使凌雲翼至縣責治玩事諸人撫安殘傷民漸歸復

四十一年壽甯山寇劉大眼據慶元後山縣丞黃德與引兵蹙之

劉大眼率衆千人從山谷中出竹口轉掠裏和至縣據後山爲巢縣丞黃德與力戰斬數十餘賊計窮將走俄有邏寇自間道歸出我陣後來攻官兵遂潰死者甚衆義士吳得中吳鳳鳴吳篋皆死事聞司府下檄爲立祠祀之扁曰義勇

秋倭寇圍松溪劉大眼襲慶元以守固兵集攻城失利遁去

倭寇陷政和復圍松溪劉大眼意慶元無備欲襲之一晝夜奄至城下民咸震愕議棄城走訓導吳從周諭衆以義固守之越數日兵備副使陳慶檄把總桂

汝攀引兵來援賊知大兵至且攻且追率潰散逃去

隆慶元年鑛徒潛匿思爲亂撫按議遣指揮領兵屯遂

昌湖山集鄉兵以守

先是常山鑛徒西陷婺源多松遂無賴事敗潛回議者以湖山當衢婺之衝時委萬戶一人領兵駐守以制不逞者出入旣而兵多騷擾地方益患之縣令池浴德議置保長撤官兵俾籍鄉兵自爲守至今稱便秋七月龍泉鑛徒竊發遣兵禦之龍泉瞿源報有採鑛人數百知府李學禮發團操兵防禦其人悉散遁去

萬曆五年雲和傳鑛賊四集兵備參將各率兵堵禦雲和陰巖坑報有鑛徒嘯聚兵備副使龔大器參府王尙友領兵至其地又別遣裨將帥兵數百人從泰順入景甯衝其險背各徒遂不敢集知縣蕭淵仍募民兵防守險隘兼造戰具地方賴以安甯

國朝順治三年六月故明督撫田仰同勲鎮方國安等標下兵入處州散處鄉城大掠男婦皆逃匿

四年七月建甯兵亂流犯慶元龍泉等縣副將劉世昌遣兵禦之

慶元與松溪連界龍泉與浦城連界建甯亂兵流突往來至南園查田等處鎮兵禦之始退

十一月湯日旭陳可擢葉如馨及王庭簡柯進春洪舜等作亂遣遊擊劉登瀛等分禦之如馨進春死日旭廷簡被擒

湯日旭聚千餘人倡亂景甯陳可擢同葉如馨等犯雲和原任推官龍泉人王廷簡及柯進春通賊程煌踞縣邑洪舜等衆千餘犯松遂石倉源等處官兵禦之或死或擒

十二月程煌陳秀卿同龍泉人曹飛宇等屯踞縣邑遣董永義禦之秀卿被擒程煌死

有謝總兵者同程煌等踞龍泉縣曹飛宇等屯金日
地方官兵禦之多擒獲

永康流賊周以揚等突犯縉雲衙舍民房被焚

周以揚係永康賈人往來縉雲突自東鄉帶賊五百
餘薄暮入城燒官衙及縣前市鋪民房百有餘間縣
官避去

五年正月縉雲羊吉亂遣劉登瀛等禦之

羊吉係縉雲廿八都人以明季武職劄付爲鄰人嚇
詐遂倡亂屯紫堂慈金竹等界官兵禦之殺賊數百
次月擒湯明和陳三陳鳥皮梟示

二月周以揚等復犯縉雲燒縣堂學宮東門廬舍皆盡
官兵追之不及

周以揚復同徐守鵬宗和尚等自三溪過渡黎明入
城焚燒踰時遁入永康麻車店巢穴

三月慶元吳懋修龍泉柳國柱李六郎黃日光吳卿等
屯踞二邑官兵禦之國柱六郎等被擒

吳懋修慶元貢生爲劉中藻門生勾通閩衆屯英甯
關柳國柱等屯龍泉西鄉六都木岱口等處官兵勦
殺多擒獲次月懋又屯坑口際下舉溪等處遇兵殺
敗退去

四月何兆龍及朱匡明等犯青田遂昌界宣平九峯巖賊起官兵禦之宣賊伍昌箴徐可畏吳用等被擒青田油竹彭栝地方何兆龍等聚眾作亂犯縣界陳光魁等應之遊擊劉登瀛同防將史成有帶兵禦戰始退朱匡明屯剡遂昌界紫山亭土坑馬戊嶺等處後又扎金竹地方官兵禦之擒江應雄許世勲等宣平九峯巖寨及金公巖賊亦勦平

永康流賊周以揚復犯縉雲燒壺沉等地方廬舍殆盡官兵進勦

壺沉係廿四都廿五都地方縉雲財賦之區賊毗界

垂涎鄉兵晝夜防守周以揚等忽分五路而入燒民居莊屋殆盡童婦顛連哭聲震野

五月壺沉黃元等處賊亂官兵進勦

東陽賊尹燦帶兵至壺沉舟山等處黃元章定國章國微等應之又周邦性索餉七都一帶六月又分紫洪渡舟梓上黃碧等處劉登瀛等進勦有功斬賊李用順擒陳舍方

六月馮生舜及吳懋修等犯景甯官兵禦之賊退

馮生舜從泰順來至大際犯景甯縣吳懋修率眾屯剡東坑張坑地方遇官兵戰敗退七月生舜又同徐

登華章雲飛金龍等至景甯金龍被擒

七月周以揚復犯縉雲官兵禦之斬陳憲佐

周以揚等衆至縉雲屯扎黃碧村等處以生員陳憲

佐爲監軍官兵進討陳憲佐死

九月劉中藻同馮生舜等圍慶元官兵禦之退

劉中藻係福安人庚辰進士隆武委授在閩通賊作

亂踞福甯甯德一帶同馮生舜等圍慶元劉登瀛陳

元魁劉進孝董永義等協力援勦始退

十月朱匡明曹飛宇等犯龍泉遂昌界官兵禦之擒王

九妹等斬魏國波

朱匡明屯王村口曹飛宇屯澤賽遇官兵戰敗王九

妹湯仰溪呂伯川被擒國波死馮生舜等衆扎龍泉

西山官兵進勦復擒呂廣生方永用陳壽等

六年二月吳省元等犯景甯何兆龍周彪等屯青田

官兵分勦吳省元等犯景甯上標地方厲老來等犯

景甯上澤地方郭自成禦之何兆龍陳光魁徐旗牌

等屯扎青田富畧地方及六七都劉登瀛同防將禦

之擒劉三十胡國賢劉明華等周彪屯扎青田夏家

山彭栝等處官兵進勦擒劉勝

六月龍泉李魁選謀亂被擒

龍泉猪漿地方賊首李魁選據山作亂官兵進剿當陣擒獲

十二月縉雲王賢謀亂燒十六都民舍鄉兵防堵失利王賢係十四都人與青田交界通賊寇至十六都報怨焚燒上平胡村石上一帶地方鄉兵禦之不勝

七年正月遊擊劉登瀛帶兵進剿王賢拒戰死

時鄉兵失利告急諸官兵劉登瀛帶兵千餘協同社兵進十四都是日大雪冒險過八疊嶺登瀛脚創甚王賢獨力拒戰中箭死

二月遂昌赤葉源盜起撫都院嚴遣官平安國招撫降

之

六年冬帶捕鍾典史往鄉拘詐金華持齋人指稱無爲教株連不已遂致激變會招降衆乃散

四月青田賊徐裕等渡河往姑溪官兵禦之退

賊徐裕等自大小峙渡河往姑溪劉登瀛帥兵至大小峙遇賊拒戰賊退

八年辛卯五月山寇陳大喜作亂攻慶元城知縣鄭國位滅之

八月賊首王應舉聚衆焚劫景甯遊擊劉登瀛擊之

時進剿梅勝二村大勝應舉逃去大陰源頭地方遊

擊劉登瀛沿路勦捕直至青田應舉計窮降地方獲平

十年癸巳七月閩寇李希賢葉付等掠慶元知縣鄭國位平之

冬十月李希賢復掠慶元上源等處鄉勇蔡來吉等會衆攻之

十一年甲午三月閩寇陸答掠慶元二都九際等處千總李尙才紅旗袁魁自刎

十三年丙申四月賊首魏福賢余赤等焚劫慶元竹口等處

初余赤等焚劫上際姚村一帶把總馮從羽檄松溪官兵合攻斬首百餘賊遁至衢州嘯聚魏福賢等五千餘賊由船坑山坑兩路入竹口圍燒民房六百餘家公館橋梁悉燬

十四年丁酉三月賊高彪殺掠慶元二都九臺山千總李茂破之

康熙十三年甲寅正月耿逆作亂賊首馮公輔合寇宣平城內房屋燒掠一空參將裴天祿王友志討平之三月耿逆遣僞總兵徐尙朝等陷龍泉隨陷遂昌松陽雲和景甯等縣

尚朝原係處協中軍陞授福省遊擊因獲罪囚禁耿
逆倡亂投偽總兵交通舊屬兵卒誘降諸邑

四月十三日賊陷郡城

處協守備王自福先期密遣管隊陳蘭花蕭瞎子通
信獻城以致撫標于昌祐援兵畏遁府城遂陷男婦
逃匿一空官舍民房拆毀殺傷無數

五月賊陷青田溫鎮總兵祖宏勳據城從逆分兵屯踞
青田

六月賊陷縉雲宣平

偽總兵徐尚朝遣蕭瞎子據縉雲陳蘭花據宣平八

月內隨移兵屯踞金華知道山

十四年乙卯總兵李榮陳世凱恢復郡城

和碩康親王率滿漢大兵攻破金華知道山尚朝潰
遁擒偽軍師胡績斬之總兵李榮陳世凱入城招撫
士民安堵

三月偽都尉連登雲徐尚朝王自福分踞楊梅岡石帆
石塘等處滿漢都統馬將軍喇台吉察率領大兵屯
劄郡城拒戰年餘

十五年丙辰八月貝子率滿漢都統馬將軍喇台吉察
總兵李榮陳世凱等攻破石帆石塘青松遂龍慶雲

宣景等縣以次蕩平

四十八年己丑閩匪彭子英等於松遂龍雲等處盤踞山谷經金衢溫處四郡官兵會勦始平

咸豐三年秋七月景甯饑民嘯聚謀變知縣宋純修率民勇平之

景甯饑民嘯聚謀變知縣宋純修率民勇八百餘人偕把總華金聲至一都外卸合捕殲其首謀餘衆解散

八年戊午春三月粵匪石達開遣其黨石進級陷遂昌松陽遂昌教諭景采臣松陽知縣張士超教諭徐清

翰死之賊衆順流東下隨陷郡城

粵西賊首洪秀全等於咸豐三年二月攻陷金陵分竄皖南江右八年二月賊黨石達開犯衢州三月遣賊目石進級自龍游越青萌嶺攻遂昌各鄉民團集衆數千扼守北界小谷嶺等隘十九日北界汛兵聞賊衆卽遁二十日賊至小谷嶺團勇併禦頗有殺傷嗣賊大夥至團勇力不能支多陣亡者餘衆遂潰二十一日陷縣治時官民遷避一空賊四掠無獲至學宮犯門入教諭景采臣坐明倫堂賊見印記曳之出采臣大罵被殺於半月池左棄屍於溝采臣妻趙氏

處州府志 卷之十一
雉經墮地死女守姑罵賊被戕支解明倫堂左子二
齡賊投諸池二十三日竄松陽知縣張士超率民勇
防堵界首戰敗死之超子鴻翽生員周廷珪周廷球
監生劉萬恩等同時被害賊衆入城教諭徐清翰全
家殉節時連日大雨溪流暴漲賊聯扉作筏水陸並
行二十七日抵郡城鎮兵先已奉調出征僅玉環兵
百五十人合民團上城發銃擊賊以衆寡不敵潰城
遂陷知府鄭箠退保石帆賊四出搜掠裹脅千餘人
入城多張僞示令民納款

四月總兵周天受由武義進勦營於銀場山與賊戰敗
退駐金華賊乘勝陷縉雲

時大帥明安泰駐桃花嶺總兵周天受由武義至麗
水北鄉小安越三日出銀場營壘未立賊繞出山後
突圍大戰永安協標都司馬元鎮廣西撫標守備封
汝蒲杜發馬應勳袁得廣千總馬潤卿湖南綏靖鎮
標把總徐立鼎林魁周全龍鎮尊鎮標外委張祿方
日正胡生科徐祿鐵富尹德勝張廣祿安世棟成漢
鼎軍功勇目秦升張金鼇等戰死周天受退保金華
賊陷縉雲遂遣僞總制聶俊民分駐碧湖僞示安民
勒令繳錢給領門牌違者火其居百姓遁處深山烟

火幾絕十九日小安何仍璣毀家紓難與母翁氏同被害

賊竄青田與民團戰敗退還郡城

賊分股下青田邑人詹春志武生邱戴鼇等募勇敗之於石帆又敗之於海口賊遁還郡城

賊陷雲和

四月二十三日賊分股陷雲和勢甚猖獗西窺龍慶四出抄掠諸鄉兵敗賊於赤石監生周鶴糾合鄉兵戰於白水連勝進薄城下賊突出北門軍潰鶴轉戰死職員季佑文陳應全武生項植榮等屯勇棧雲橋

賊突至應全迎戰敗死佑文植榮被執死景甯生員徐登瀛倡義援勦馳會雲和東西南民勇進攻賊營連勝至黃水碓一都萊草原諸勇攻至竹坑楊三妹等戰死三都勇進逼村頭被圍勇首葉遇坤死之賊大股復集驟雨如注登瀛力竭陣亡景甯知縣吳瑞龍復募勇防守賊遂踞雲和不敢犯界

五月溫處道俞樹風以兵勇數千人駐石帆賊至衆潰溫州鎮標外委李欽斌及其麾下逆戰死之時賊勢愈熾日出搜掠搬運糧食絡繹於道富者困廩皆罄貧者升斗無餘立師旅卒兩伍名目勒殷富

慶州府志 卷之十二
併有時望者充之多張僞示誘脅愚民見不蓄髮者
卽殺

賊分股陷宣平

十三日踞郡之賊分竄宣平大肆淫掠民團襲擊之
賊踞邑三日退回

六月温處道俞樹風復統兵勇進駐石帆

是月初一日松陽武舉李祥明武生李向榮糾合北
鄉義勇約會遂昌民團力圖克復斃賊甚多嗣賊誘
至城下圍殺之祥明向榮均歿於陣餘衆潰散賊亦
大挫下竄與賊目石進級合踞郡城時温處道俞樹

風統兵勇進駐石帆以圖收復

提督周天受克復武義永康進攻縉雲賊遁回踞城之
衆棄輜重走石達開攻衢敗退由龍游竄遂松雲三
縣合郡城賊陷龍泉知縣沈維祺擊之闔郡肅清
提督周天受自金華克復武義永康遂進攻縉雲綏
靖鎮標把總許廷燦鎮標外委林啟泰等戰死
賊遁回郡城十三日賊目石進級棄城走焚民居三
百餘家雲和賊亦遁時石達開攻衢不下由龍游至
遂松雲三縣潛由松陽山徑分兩路於十五日陷龍
泉時值迅雷驟雨男婦冒雨而渡溺斃不可勝計十

慶州府志 卷之十二
六日以後賊出擄掠老弱多自經慘哭之聲震動山谷先是賊由浦城竄入龍泉西界五都垌知縣沈維祺令生員謝晉卿等設局團勇同汛兵守龔村嶺隘復添勇分守遂界之攀竹嶺龍泉亭松界之龍虎均後賊由雲和盤踞七赤距安仁莊僅三十里離武溪尤近勇目李獻榮生員潘德馨分守要隘賊搜掠至武溪獻榮兄弟率鄉民三千餘人追至七赤大戰斃賊百餘及城陷維祺復令各鄉集勇勦賊南鄉增生王殿芝武生王大烈西鄉職員季孝陔廩生王作聖民人羅盈漢北鄉職員邱大訓等日與賊戰賊率大

股圍馬皮嶺鄉團力竭潰散王殿芝嘔血死維祺偵知郡城克復迅令生員潘德馨職員蔡士釗等星夜馳報各路民團隨同官軍三路攻擊勇氣百倍賊遂不支於七月初十日分西南兩路遁走闔郡肅清十一年夏五月粵匪復犯衢州由江山陷遂昌松陽知府李希郊逆戰於堰頭大敗被執不屈死之郡城陷越二日賊由縉雲出金華

賊復犯衢州突由江山陷遂昌松陽知府李希郊率勇四百名駐松之堰頭翼日大雨賊驟至蹙營奮力出戰死者無算松陽進士葉維藩麗水把總金國榮

登時陣亡增生間其新受十餘劊李希郊被執賊脅之跪厲聲大罵賊拽至碧湖希郊罵不絕口遂被害弟希沉僕李深同死之總兵特保知縣姚復輝遁十六日郡城陷越二日賊衆盡走金華

秋九月別賊號和會軍者復陷遂昌松陽隨陷郡城知府李澍麗水知縣姚復輝退駐石帆集民圍攻城不戰而潰

時郡城空虛賊星夜馳至官民盡遁嗣聞賊攜婦女老幼壯者不過二三百人知縣姚復輝飭青田監生朱文明集民兵數千水陸並進期在必克百姓隨觀

者幾萬餘人咸以賊爲必可滅有勇敢者潛踰入城賊覺來追山上觀戰者見賊旗先遁民兵遂散賊盡力追殺知府李澍知縣姚復輝遁至海口賊益肆猖獗四出淫掠被擄男女皆繫手足勒令以錢取贖富家百計營謀飽其谿壑始得放還貧者無力出錢備受酷刑少至一二千文不能得乃以板爲杵形釘手足於上置烈日中死尤慘焉

游擊黃載清率台勇五百人屯石帆

知府李澍檄黃載清堵賊於石帆生員葉潤生勇目項貞祥等以義勇百人從賊至逆戰項貞祥吳財士

等敗死

冬十月踞金華賊李世賢襲台州分兵陷縉雲

賊首李世賢踞金華遂陷縉雲時澤機前來等處盡為賊藪民團日夜戒嚴與賊戰於我高山下衆潰賊遂分踞新建河陽四出焚掠千總李逢青等死之賊又分踞東鄉例貢生呂守丹等死之突有游兵數千由紹興來過大皿屯左庫方議給餉會勦夜半忽降賊近蒼嶺十餘里民房燒燬一空郡城賊詣金華納款藉其聲援為久踞計賊以孤軍不敢久駐詣金華納款相為犄犄而土匪

紛紛投賊勢益張遂設卡於四鄉東則巖泉却金館南則礮埠大港頭西則九龍碧湖北則太平小安日出擄掠百姓兩行露宿晝伏山谷中夜至二更潛歸四更復走避老幼力孱者皆自經死

十一月金華賊十餘萬由武義陷宣平雲和松陽遂昌等縣松陽知縣李作幹遇害

賊沿途焚掠村舍蕩然時郡城賊偽示安民給以黃旗哄民勿避麗水之官橋武村殺死者千餘人餘亦有合家被擄無一人還者松陽知縣李作幹遇賊被害松遂雲宣數百里內盡為賊藪

皮州府志 卷之十一
福建總兵林文察統兵由松溪進駐龍泉

先是賊陷金華龍泉知縣桑樹勳令紳士蔡士釗蔡邦基潘德馨蔡星等設局聯甲以資防守五月賊陷遂昌西北兩路民團堵禦甚力賊不敢犯九月賊復陷遂昌龍泉知縣綦思本聯絡民團并力防禦至是總兵林文察統兵至軍威大震

十二月金錢會匪白老三導粵賊竄青田海溪據之賊突至海溪居民不及逃避死者無算越數日率眾出海口下青田民團登山以大石擊之適斃持大燧者一人賊懼遁還海溪

縉雲賊李世賢回金華遣其子屯壺鎮

時大雪丈許避居深山凍餓死者無算除夕度賊必不出男女潛歸賊驟至裹男女行大雪中死者相枕藉哭聲震山谷

同治元年春正月海溪賊陷青田

賊據海溪生員朱純葉潤生徐粹臻率團勇攻之是夜賊屠余山時余山已爲賊有其民譌言官兵至賊夜襲之焚其廬舍死者無算越日朱純及團目周士銅攻敗之總兵特保復檄把總黃廷揚率汛兵及民團進勦數與賊戰畧有斬獲勢日張舉義旗殺賊者

填滿山谷然無紀律統率小勝則爭趨小挫則散走
賊偵知其情明日復戰互有殺傷衆遂潰義勇蔣永
青詹沛欽郭穀道汎兵周德彰周德鼇等皆敗死賊
率大股東下我師迎戰於練塢敗績賊遂破縣城據
之

郡城賊分股由南鄉入雲和

沿途焚劫石亭石橋頭毛竹魏村畝張山楊山等處
罹害尤酷

二月賊魁白老三由青田方山竄瑞安敗死餘賊復掠
方山據之

賊分隊擄掠鄉民扼險敗之

別賊十餘萬自松陽過麗水西鄉至北鄉屯五十餘日
時遍地皆賊百姓無可逃避死者十之八九

賊陷景甯民勇合擊之走還雲和

賊目朱儀陸鵬龔永所屬僞元帥陳徐彭江等率衆
二千餘人由雲和犯景甯搜掠城隅及東南諸鄉知
縣管書勲至東阮賊連日剽掠放火燒民廬舍各鄉
團勇接戰賊頗挫衄各鄉勇復擊於城東敬山宮洋
敗之防守民兵獲細作有飭勉實力鎮守僞書賊復
至北岸攻劫勇首林瑞美并子嘉順戰死慕嶺頭團

勇議薄城下決戰賊忽掩至民勇孫仁在孫仁茂梅士廣等死之遂焚縣南諸鄉五六各都並青田瑞安勁勇由三枝樹馳赴張村援勦破其前隊約期會合六鄉民勇四千餘人入城奮擊是日有餘黨四五十人循溪至滙下哨探渡河民勇禦之始退隨放火燒外卸沿途民屋次日六鄉民勇奮擊賊尋奔潰竄還雲和

三月總兵林文察統兵克復遂昌各縣集民團應之軍聲大振

賊踞遂昌民處高峒裏糧將竭西北兩鄉民勇屢攻

賊營莫分勝負總兵林文察駐龍泉各鄉紳耆赴大營請兵官軍遇賊於大田峽口分隊交鋒賊潰四散踞城者亦星夜遁去遂境以安

青田知縣吳兆祥由溫州至四都招民勇擊賊

各都鄉團戰賊於水南翼日復與賊遇團目邱福田程阿純林宏青林徐高徐宏泉皆戰死別賊竄十六都監生潘瓊瑤章鳳翽堵於章村勇丁潘碎烈李碎火戰死

踞縉雲壺鎮賊掠三溪及上周地方團勇擊走之先是賊通商誘擄東出溫州西走武義係累幾千人

時壺鎮河陽稱殷富踞金華賊復來搬取米穀一空
遂分黨設卡各鄉百般苛派至是掠三溪及上周等
處東南勇合搗其巢殲渠魁者三連日環攻會大雨
賊乘間遁西鄉賊亦被民團夾擊遁走牛岱嶺入麗
水之北鄉蹂躪愈甚村舍皆墟

郡城賊復流剽雲和東鄉民團合擊敗之

先是賊踞雲和四出焚掠頻攻西鄉臨海棧雲霧溪
各隘圖竄龍泉四鄉糾民勇分三道擊之賊焚掠坊
郭由東鄉遁嗣餘黨復寇雲和進掠景甯敗於三枝
樹走還東鄉竄入松陽至是踞郡賊復至東鄉都人

禦於大源戰克之江起鯨等禦於大港頭軍潰起鯨
戰死賊攻將門嶺復劫朱村鄉民連戰克之

夏四月縉雲民團克復縣城

時三都士民會攻縣城賊列陣以待竭力拒戰桃花
隘勇從溪流暗渡拔旗幟南鄉勇夾攻東門賊從北
門遁走永康東鄉勇卽薄永康扼芝英及黃城里進
攻不克賊又有自郡來者桃花隘勇邀擊之走河陽
遂與西鄉合攻賊出菱嶺尋回竄東鄉東鄉勇截擊於
周山下大破之

麗水雲和民勇合擊賊卡賊遁入城

麗水生員葉文潮呂孔昭等聯絡雲和團勇堵賊入
山之路賊分隊搜十八都關嶺西黃董村里山各堡
死者積屍數千人雲和勇首鄭玉喜鄭福新等以賊
踞郡久且倚松陽賊爲聲援民不安枕遂合麗水勇
進剿戰於九龍南山保定等處連勝至碧湖賊走還
郡城時團勇四集日與賊接仗互有勝負其戰於鄭
山松坑口桐樹崗太平莊者有趙村之何志邵十一
都之趙芳坑里之翁國棠南園之劉大榮并子四人
皆力竭身亡賊亦大挫
五月金錢會匪及粵賊由温州敗退竄陷景甯民勇擊

之潰奔雲和下郡城出走金華

金錢會匪及粵匪李世賢黨經温州官軍擊敗突由
青田九都白巖等處竄陷景甯環縣諸鄉及大溪沿
岸一帶半爲灰燼其金錢頭目賊黨以引導失機磔
之時大霧漫天咫尺不辨團勇擊敗之遂潰奔雲和
鄉兵擊之賊退屯石塘朱村雙港鄉兵復與賊戰於
朱村雷德福陣亡邱周亮等攻克石塘復戰於朱村
周亮等被圍死團勇復會剿平之餘黨由大港頭過
碧湖下郡城出金華所至蹂躪有合家被擄者
總兵秦如虎由温州率兵克復青田

賊聞官軍至棄城遁走

金華賊復襲縉雲踞西鄉及臚堂靜岳等處

賊將林采薪等分其黨入縉雲菱嶺踞凝碧新建等處又從館頭至涼塘白巖民團邀擊之敗績賊分路追殺死亡枕藉遂進踞靜岳臚堂掠及嶺口適侵溫敗寇返竄南鄉勇并力追逐戰於插花墩武童胡月芬死之後三鄉民團約攻臚堂賊伏險隘截殺士民陣亡百數十人

六月官軍克復松陽

紳士葉芳標饒慶霖等設局練勇保衛各村有鎗手

楊致和者技藝純熟每發必斃數人時探悉城內賊首許應奎譚星等意見不合即購募竊賊五人約期進城放火一面率領團勇會官兵奮力攻勦賊向宣平遁去松邑肅清

踞郡賊復出城焚南鄉十六村

賊燒南鄉二三都十六村房屋而西之朱雲坑缸窰嶺南坑口東之黃畝李佳源北之鳳山前林宅口各團勇殺賊無算

秋七月臺灣掛印總兵曾元福自浦城下松陽總兵林文察下雲和游擊白瑛至大港頭總兵秦如虎由溫

州進營石帆郡城克復

時官軍兩路夾攻而各鄉民勇麀集聲威大振總兵曾慮賊由宣出松遮我兵後撤隊分駐松陽要隘賊潛出通惠門襲官軍營臺灣鎮標外委游建功戰死兵勇奮力夾攻斬賊首二名奪器械旗幟無算賊遁林文察兵薄城下秦如虎兵至厦河十七日申刻賊放火走官軍追躡之賊衆自相踐踏死者不可勝計東北鄉民勇及縉雲桃花隘勇復截其去路登山以木石墜擊壓傷甚夥脫者僅三四百人郡城克復八月踞縉雲賊分屯上王東鄉團勇擊走之

賊自新建竄上王四出刈禾卽築塹爲久踞計東鄉勇於蒼嶺一路設火作疑兵乘夜急擊之賊走永之可投逼近白疊山尋走塘頭

閏八月縉雲團勇大敗賊於白疊山

時塘頭賊迭擾四府嶺臚堂賊乘間襲白疊山被團勇擊落前旗斬其先鋒遂退屯四十四坑詰朝欲率羣酋掩過白疊山時團丁適登嶺隘大霧迷霾賊亂走乘勢追殺賊復退入巢

九月縉雲臚堂賊遁走

冬十月賊復侵縉雲白竹團勇邀擊於上九嶺大破之

賊將林采薪踞永康芝英屢寇縉之白竹團勇擊退之既而糾塘頭賊夥由四府嶺上九嶺入白竹勇約三都分路截擊賊死於礮者七十餘人傷者無算自是拔營遁東陽

十一月官軍至桃花隘及三里街縉雲肅清

五年冬平陽賊勾引青田匪民作亂官軍討平之

平陽賊陳老大胡老三勾引青田十一都匪民作亂擁衆數百擾平橋小源諸村知府清安會處標右營遊擊烏齡阿率兵數百名抵青田飭知縣羅子森親督捕勦獲陳老大胡老三斬於市既而又獲其黨葉

大生等解府正法脅從者貫勿問

處州府志卷之十二終

